

1132

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 22.12.2021. godine, donosi

ZAKON O KULTURI

POGLAVLJE I. OPĆE ODREDBE

Član 1. (Predmet zakona)

Ovim zakonom utvrđuje se javni interes u kulturi, pojam, načela i djelatnosti u oblasti kulture, nosioci djelatnosti u oblasti kulture, uslovi za djelovanje nosilaca djelatnosti u oblasti kulture, osnivanje ustanova za obavljanje djelatnosti kulture, status i prava fizičkih lica kao nosilaca djelatnosti u oblasti kulture, amatersko djelovanje u oblasti kulture, registar i evidencija pravnih i fizičkih lica u oblasti kulture, finansiranje i podrška razvoju kulture, nadzor i druga pitanja od značaja za oblast kulture.

Član 2. (Gramatička terminologija)

(1) Gramatička terminologija korištenja muškog i ženskog roda za pojmove u ovom zakonu, podrazumijeva oba roda.

(2) Izrazi koji se koriste u ovom zakonu, koji su navedeni u jednini ili množini, odnose se jednako i na jedninu i množinu, osim ako kontekst ne zahtijeva drugačije.

Član 3. (Pojam kulture)

(1) Kultura obuhvata kulturno i umjetničko stvaralaštvo i djelatnosti kojima se stvaraju, prezentuju, promovišu, štite i čuvaju kulturna dobra, umjetnička djela i druge umjetničke i duhovne tvorevine, stručni i naučnoistraživački rad u kulturi i usluge od neposrednog značaja za ostvarivanje kulturnog i umjetničkog stvaralaštva.

(2) Kultura je od javnog interesa za Tuzlanski kanton (u daljem tekstu: Kanton).

Član 4. (Javni interes u oblasti kulture)

(1) Ostvarivanje javnog interesa u oblasti kulture osiguravaju Kanton i jedinice lokalne samouprave (u daljem tekstu: grad/općina).

(2) Način i mjere ostvarivanja javnog interesa u oblasti kulture utvrđuju se planskim i strateškim dokumentima u oblasti kulture na nivou Kantona i grada/općine.

(3) Vlada Kantona, odnosno nadležni organ grada/općine na području Kantona može posebnom odlukom proglasiti određene nosioce djelatnosti u oblasti kulture ili

određene djelatnosti u oblasti kulture od posebnog interesa za svoje područje djelovanja.

Član 5. (Načela u oblasti kulture)

Ostvarivanje javnog interesa u oblasti kulture se zasniva na sljedećim načelima:

- a) sloboda izražavanja u kulturnom i umjetničkom stvaralaštvu i poštovanja prava na kulturu;
- b) opredijeljenost Kantona i grada/općine da podstiču i pomažu razvoj kulture, kulturnog i umjetničkog stvaralaštva i zaštitu i očuvanje kulturne baštine;
- c) ravnopravnost očuvanja svih kulturnih identiteta i poštovanja kulturne različitosti;
- d) usaglašenost kulturnog sistema sa međunarodnim standardima, a naročito standardima Evropske unije;
- e) uspostavljanje efikasnog, racionalnog i kreativnog upravljanja u kulturi;
- f) transparentno djelovanje u kulturi;
- g) poštovanje i zaštita autorskog i srodnih prava;
- h) demokratizacija kulturne politike.

POGLAVLJE II. JAVNI INTERES U KULTURI

Član 6. (Ostvarivanje javnog interesa u kulturi)

Javni interes u oblasti kulture se ostvaruje:

- a) stvaranjem uslova za obavljanje i razvoj kulturnih djelatnosti;
- b) institucionalnim organizovanjem i obavljanjem djelatnosti kulture;
- c) stvaranjem uslova za podsticanje savremenog umjetničkog stvaralaštva i kreativnih industrija;
- d) zaštitom i očuvanjem kulturne baštine u skladu sa zakonom;
- e) podsticanjem međunarodne kulturne saradnje;
- f) podsticanjem stručnog i naučnoistraživačkog rada u kulturi;
- g) osiguranjem sredstava za finansiranje djelatnosti kulture iz budžeta Kantona i budžeta grada/općine;
- h) finansiranjem rada ustanova kulture čiji je osnivač/suosnivač Kanton ili grad/općina;
- i) sufinansiranjem programa i projekata nosilaca djelatnosti u oblasti kulture iz budžeta Kantona i budžeta grada/općine;
- j) stvaranjem uslova za podsticanje samostalnog kulturnog i umjetničkog stvaralaštva;
- k) podsticanjem amaterskog kulturnog i umjetničkog stvaralaštva;
- l) podsticanjem kulturnog i kreativnog rada lica sa invaliditetom i dostupnosti svih kulturnih sadržaja licima sa invaliditetom;
- m) podsticanjem umjetničkog i kulturnog stvaralaštva društveno osjetljivih grupa;
- n) stvaranjem javne infrastrukture u oblasti kulture;
- o) podsticanjem i unaprjeđenjem edukacije u oblasti kulturnih djelatnosti;

p) drugim poslovima od javnog interesa, u skladu sa strateškim dokumentom u oblasti kulture.

Član 7.

(Strategija razvoja kulture Tuzlanskog kantona)

(1) Strategija razvoja kulture Tuzlanskog kantona je planski dokument, kojim se utvrđuju ciljevi i prioritete razvoja kulture i određuju organizacione, finansijske i administrativne mjere za njihovo ostvarivanje.

(2) Strategiju razvoja kulture Tuzlanskog kantona donosi Skupština Tuzlanskog kantona (u daljem tekstu: Skupština Kantona) na prijedlog Vlade Tuzlanskog kantona (u daljem tekstu: Vlada Kantona).

(3) U skladu sa Strategijom razvoja kulture Tuzlanskog kantona, nadležni organ grada/općine donosi strategiju razvoja kulture grada/općine.

(4) Na osnovu Strategije razvoja kulture Tuzlanskog kantona, odnosno strategije razvoja kulture grada/općine, Vlada Kantona, odnosno nadležni organ grada/općine, donosi akcioni plan sa prioritetima, nadležnostima, nosiocima aktivnosti, očekivanim rezultatima, indikatorima uspjeha i rokovima sprovođenja akcionog plana.

Član 8.

(Savjet za kulturu Tuzlanskog kantona)

(1) Ministarstvo za kulturu, sport i mlade Tuzlanskog kantona (u daljem tekstu: Ministarstvo) odlukom imenuje Savjet za kulturu Tuzlanskog kantona (u daljem tekstu: Savjet za kulturu), kao savjetodavno tijelo Ministarstva.

(2) Savjet za kulturu imenuje se na period od četiri godine i ima predsjednika i šest članova, koji se imenuju iz reda umjetnika i stručnjaka u kulturi, i sekretara, koji obavlja administrativno-tehničke poslove za Savjet za kulturu i imenuje se iz reda zaposlenika Ministarstva.

(3) Savjet za kulturu donosi poslovnik o radu kojim se bliže uređuje način rada, pripremanje i održavanje sjednica, odlučivanja i druga pitanja od značaja za njegov rad.

(4) Predsjednik, članovi i sekretar Savjeta za kulturu za svoj rad ostvaruju pravo na naknadu iz sredstava budžeta Kantona predviđenih za kulturu, u skladu sa posebnom odlukom koju donosi Ministarstvo.

(5) Savjet za kulturu o svom radu, najmanje jedanput godišnje, podnosi izvještaj Ministarstvu.

(6) Ministarstvo može razriješiti Savjet za kulturu i prije isteka perioda na koji je imenovan, ako se utvrdi da nije uspješno realizovao zadatke propisane ovim zakonom.

(7) Ministarstvo može razriješiti predsjednika i člana Savjeta za kulturu i prije isteka perioda na koji je imenovan na njegov lični zahtjev.

Član 9.

(Zadaci Savjeta za kulturu)

Savjet za kulturu:

a) ocjenjuje stanje i razvoj kulturnih djelatnosti na području Kantona;

b) daje prijedloge za unaprjeđenje kulturnih aktivnosti na području Kantona;

c) daje stručno mišljenje o prijedlozima propisa iz

oblasti kulture, kao i prijedlozima drugih propisa koji se primjenjuju u oblasti kulture;

d) daje mišljenje u postupku sticanja statusa istaknutog stvaraoča u kulturi;

e) daje inicijativu i prijedloge za uređivanje drugih pitanja iz oblasti kulture.

Član 10.

(Savjet za kulturu grada/općine)

Nadležni organ grada/općine može imenovati savjet za kulturu grada/općine kao savjetodavno tijelo čiji sastav, mandat, zadatke i način rada utvrđuje aktom o imenovanju.

POGLAVLJE III. DJELATNOSTI KULTURE

Član 11.

(Djelatnosti kulture)

(1) Djelatnostima kulture, u smislu ovog zakona, smatraju se:

a) istraživanje, zaštita, rekonstrukcija, restauracija, korištenje i promovisanje kulturne baštine;

b) arhivska djelatnost;

c) muzejska djelatnost;

d) bibliotečka djelatnost;

e) izložbena/galerijska djelatnost;

f) izdavačka djelatnost, književnost, lingvistika i prevođenje;

g) djelatnost radija i televizije;

h) pozorišna djelatnost, scensko stvaralaštvo i interpretacija;

i) muzičko stvaralaštvo i interpretacija i muzičko-scenske umjetnosti;

j) filmska umjetnost i audio-vizuelno stvaralaštvo;

k) likovna umjetnost;

l) primijenjena i vizuelna umjetnost, dizajn i umjetnička fotografija i arhitektura kao umjetnost;

m) digitalno stvaralaštvo i multimedija;

n) produkcija i organizacija kulturnih programa;

o) ostala muzička, govorna, artistska i scenska izvođenja kulturnih programa.

(2) Umjetničkom djelatnošću, u smislu ovog zakona, smatraju se djelatnosti kulture iz stava (1) tačke h) do o) ovog člana.

(3) Kulturno-umjetničkim amaterizmom, u smislu ovog zakona, smatraju se djelatnosti koje obavljaju kulturno-umjetnička društva, kulturno-umjetnička strukovna udruženja građana i drugi oblici nekomercijalnog amaterskog djelovanja u djelatnostima kulture iz stava (1) ovog člana kojima se doprinosi afirmaciji kulturnih vrijednosti i savremenog kulturno-umjetničkog stvaralaštva na području Kantona.

POGLAVLJE IV. NOSIOCI DJELATNOSTI U KULTURI

Član 12.

(Nosioci djelatnosti u kulturi)

(1) Djelatnost u oblasti kulture mogu obavljati domaća i strana pravna i fizička lica u vidu osnovne djelatnosti

pravnog lica, odnosno jedinog zanimanja fizičkog lica ili kroz kulturno-umjetnički amaterizam, ukoliko ispunjavaju uslove propisane ovim zakonom i posebnim propisima.

(2) Djelatnost u oblasti kulture u vidu osnovne djelatnosti radi ostvarivanja prihoda i zadovoljavanja kulturnih potreba građana mogu obavljati ustanove i druga pravna lica, osim udruženja građana i fondacija, pod uslovima propisanim ovim zakonom i posebnim propisima (u daljem tekstu: pravna lica u oblasti kulture).

(3) Djelatnost u oblasti kulture mogu obavljati i udruženja građana i fondacije kroz kulturno-umjetnički amaterizam.

(4) Djelatnost u oblasti kulture u vidu jedinog zanimanja radi ostvarivanja prihoda mogu obavljati fizička lica koja su stekla status „samostalni umjetnik“ i „samostalni stručnjak u kulturi“ pod uslovima propisanim ovim zakonom (u daljem tekstu: fizička lica u oblasti kulture).

(5) Djelatnost u oblasti kulture mogu obavljati i druga fizička lica bez stečenog statusa iz stava (4) ovog člana kroz kulturno-umjetnički amaterizam.

Član 13.

(Osnivanje ustanove za obavljanje djelatnosti kulture)

(1) Ustanova za obavljanje djelatnosti kulture iz člana 11. ovog zakona se osniva radi zadovoljavanja kulturnih potreba građana kao i radi ostvarivanja drugog zakonom utvrđenog interesa u oblasti kulture, ako cilj obavljanja te djelatnosti nije ostvarivanje dobiti (u daljem tekstu: ustanova kulture).

(2) Ustanova kulture može se osnovati kao javna ili kao privatna ustanova.

(3) Javnu ustanovu kulture osniva Skupština Kantona odnosno gradsko/općinsko vijeće.

(4) Privatnu ustanovu kulture može osnovati domaće i strano pravno ili fizičko lice pod uslovima utvrđenim posebnim propisima i ovim zakonom.

(5) Osnivač ustanove kulture osigurava sredstva potrebna za njeno osnivanje i rad.

(6) Kada ustanovu kulture osnivaju dva ili više osnivača njihova međusobna prava i obaveze uređuju se ugovorom koji se zaključuje u pisanoj formi.

Član 14.

(Elaborat o opravdanosti osnivanja ustanove kulture)

(1) Osnivač ustanove kulture je dužan prije donošenja akta o osnivanju usvojiti elaborat o opravdanosti osnivanja ustanove kulture (u daljem tekstu: elaborat) i na isti pribaviti saglasnost Ministarstva.

(2) Elaborat obavezno sadrži sljedeće elemente:

a) Svrha osnivanja i djelatnost ustanove kulture;

b) Opravdanost potrebe za obavljanjem navedene djelatnosti ustanove kulture;

c) Način osiguranja sredstava za osnivanje i rad ustanove kulture;

d) Program obavljanja djelatnosti i koncepciju rada i razvoja ustanove kulture.

Član 15.

(Osnivanje drugog pravnog lica za obavljanje djelatnosti kulture)

Drugo pravno lice iz člana 12. stav (2) ovog zakona može se osnovati za obavljanje djelatnosti kulture iz člana 11. ovog zakona u skladu sa propisima o privrednim društvima, javnim preduzećima i posebnim propisima.

Član 16.

(Uslovi za obavljanje registrovane djelatnosti pravnih lica u oblasti kulture)

(1) Pravno lice u oblasti kulture prije početka obavljanja registrovane djelatnosti kulture iz člana 11. ovog zakona mora ispuniti uslove iz ovog zakona i posebne uslove za obavljanje registrovane djelatnosti kulture propisane posebnim propisom.

(2) Ukoliko uslovi iz stava (1) ovog člana nisu propisani posebnim propisom, pravno lice u oblasti kulture prije početka obavljanja registrovane djelatnosti kulture mora ispuniti minimum sljedećih uslova:

a) da ima najmanje jednu zaposlenu stručnu osobu odgovarajućeg obrazovanja za obavljanje registrovane djelatnosti kulture;

b) da ima prostor i opremu za obavljanje registrovane djelatnosti kulture;

c) da ima osigurana sredstva za rad registrovanog pravnog lica u oblasti kulture.

(3) Pored uslova iz stava (2) ovog člana mogu se utvrditi i posebni uslovi za obavljanje djelatnosti kulture iz člana 11. ovog zakona kada oni nisu propisani posebnim propisom.

(4) Bliži propis o utvrđivanju posebnih uslova iz stava (3) ovog člana donosi Ministarstvo.

Član 17.

(Provjera uslova za početak rada pravnih lica u oblasti kulture)

(1) Pravno lice u oblasti kulture ne može početi s obavljanjem registrovane djelatnosti kulture prije pribavljanja rješenja o odobrenju za obavljanje djelatnosti kulture.

(2) Osnivač pravnog lica u oblasti kulture podnosi zahtjev za utvrđivanje ispunjenosti uslova iz člana 16. ovog zakona za obavljanje registrovane djelatnosti kulture Ministarstvu najkasnije u roku od 90 dana od dana upisa pravnog lica u sudski registar.

(3) Ministarstvo rješenjem utvrđuje ispunjenost uslova za obavljanje registrovane djelatnosti kulture u roku od 30 dana od dana zaprimanja urednog i potpunog zahtjeva iz stava (2) ovog člana.

(4) Rješenje iz stava (3) ovog člana je konačno u upravnom postupku i protiv njega se može pokrenuti upravni spor.

Član 18.

(Udruženja građana i fondacije kao nosioci djelatnosti u kulturi)

(1) Udruženja građana i fondacije mogu obavljati djelatnost kulture iz člana 11. ovog zakona kroz kulturno-umjetnički amaterizam.

(2) Na osnivanje, registraciju, organizaciju, rad i prestanak rada udruženja građana i fondacije koji obavljaju djelatnost kulture primjenjuju se odredbe Zakona o udruženjima i fondacijama („Službene novine Federacije BiH“, broj: 45/02) kojim se uređuje osnivanje, organizacija i rad udruženja i fondacija.

Član 19.

(Umjetnik i samostalni umjetnik)

(1) Umjetnik, u smislu ovog zakona, je fizičko lice koje kao autor stvara originalna umjetnička djela u umjetničkim djelatnostima iz člana 11. stav (2) ovog zakona ili izvodi i interpretira umjetnička djela iz oblasti umjetničkih djelatnosti iz člana 11. stav (2) ovog zakona.

(2) Lice iz stava (1) ovog člana može steći status „samostalni umjetnik“ pod uslovima i na način propisan ovim zakonom ukoliko umjetniku djelatnost iz člana 11. stav (2) ovog zakona obavlja samostalno, bez zasnivanja radnog odnosa, u vidu jedinog zanimanja radi ostvarivanja prihoda.

Član 20.

(Stručnjak i samostalni stručnjak u kulturi)

(1) Stručnjak u kulturi, u smislu ovog zakona, je fizičko lice sa odgovarajućom vrstom i stepenom stručne spreme koje obavlja naučnoistraživačke, umjetničko-saradničke, teorijsko-kritičke, producentске, edukativne, specijalističke, organizatorske i druge stručne poslove iz oblasti djelatnosti kulture iz člana 11. stav (1) ovog zakona.

(2) Lice iz stava (1) ovog člana može steći status „samostalni stručnjak u kulturi“ pod uslovima i na način propisan ovim zakonom ukoliko djelatnost kulture iz člana 11. stav (1) ovog zakona obavlja samostalno, bez zasnivanja radnog odnosa, u vidu jedinog zanimanja radi ostvarivanja prihoda.

Član 21.

(Uslovi za sticanje statusa samostalnog umjetnika i samostalnog stručnjaka u kulturi)

(1) Status samostalnog umjetnika i samostalnog stručnjaka u kulturi može steći umjetnik, odnosno stručnjak u kulturi na vlastiti zahtjev ukoliko ispunjava sljedeće uslove:

- a) da je poslovno sposoban državljanin Bosne i Hercegovine;
- b) da ima prebivalište na području Kantona najmanje deset godina prije podnošenja zahtjeva za sticanje statusa;
- c) da nije u radnom odnosu;
- d) da nije na redovnom školovanju;
- e) da djelatnost iz člana 11. stav (1) ovog zakona obavlja kao jedino zanimanje;

f) da ima odgovarajuću vrstu i stepen stručne spreme kada je u pitanju sticanje statusa samostalnog stručnjaka u kulturi;

g) da ima javno objavljeno umjetničko, odnosno kulturno stvaralaštvo;

h) da nije pravosnažno osuđen na kaznu zatvora u trajanju dužem od šest mjeseci;

i) da mu nije izrečena zaštitna mjera zabrane obavljanja djelatnosti u oblasti za koju je podnesen zahtjev za sticanje statusa samostalnog umjetnika i samostalnog stručnjaka u kulturi.

(2) Bliži propis o uslovima u pogledu odgovarajuće vrste i stepena stručne spreme i kriterije za ocjenu javno objavljenog umjetničkog, odnosno kulturnog stvaralaštva donosi Ministarstvo, na prijedlog Savjeta za kulturu.

Član 22.

(Sticanje statusa samostalnog umjetnika i samostalnog stručnjaka u kulturi)

(1) Zahtjev za sticanje statusa samostalnog umjetnika i samostalnog stručnjaka u kulturi sadrži osnovne lične podatke o podnosiocu zahtjeva, podatke o njegovom dosadašnjem radu i umjetničkoj, odnosno kulturnoj djelatnosti koju podnosilac zahtjeva obavlja, podnosi se Ministarstvu i uz zahtjev se prilažu dokazi o ispunjenosti uslova iz člana 21. stav (1) ovog zakona, osim dokaza iz tačaka h) i i) koji se pribavljaju po službenoj dužnosti.

(2) O zahtjevu umjetnika, odnosno stručnjaka u kulturi iz stava (1) ovog člana, odlučuje Ministarstvo rješenjem u skladu sa ovim zakonom i podzakonskim propisima donesenim na osnovu ovog zakona, po pravilima upravnog postupka.

(3) Status samostalnog umjetnika i samostalnog stručnjaka u kulturi se priznaje od dana podnošenja zahtjeva iz stava (1) ovog člana i traje pet godina.

(4) Zahtjev za produženje statusa samostalnog umjetnika i samostalnog stručnjaka u kulturi podnosi se najkasnije 30 dana prije isteka prethodno priznatog statusa, u skladu sa stavom (1) ovog člana.

Član 23.

(Prestanak statusa samostalnog umjetnika i samostalnog stručnjaka u kulturi)

(1) Status samostalnog umjetnika i samostalnog stručnjaka u kulturi može prestati na vlastiti zahtjev umjetnika, odnosno stručnjaka u kulturi ili po službenoj dužnosti.

(2) Ukoliko umjetnik, odnosno stručnjak u kulturi podnese pisani zahtjev Ministarstvu za prestanak statusa samostalnog umjetnika i samostalnog stručnjaka u kulturi, status prestaje danom podnošenja zahtjeva o čemu Ministarstvo donosi rješenje.

(3) Rješenje o prestanku statusa samostalnog umjetnika i samostalnog stručnjaka u kulturi Ministarstvo donosi po službenoj dužnosti kada je protekao period iz člana 22. stav (3) a nije podnesen zahtjev za produženje statusa ili kada utvrdi da je umjetnik, odnosno stručnjak u kulturi prestao ispunjavati uslove iz člana 21. ovog zakona.

Član 24.

(Dužnosti samostalnog umjetnika odnosno samostalnog stručnjaka u kulturi)

Lice koje je steklo status samostalnog umjetnika i samostalnog stručnjaka u kulturi ostvaruje prihode prodajom svojih djela, vršenjem usluga, i na drugi zakonom dozvoljen način, te je dužno da:

a) u poslovanju sa trećim licima uz svoje ime i prezime koristi oznaku statusa „samostalni umjetnik“, odnosno „samostalni stručnjak u kulturi“;

b) podnese poresku prijavu o prihodima ostvarenim poslovanjem sa statusom „samostalni umjetnik“, odnosno

„samostalni stručnjak u kulturi“ u skladu sa propisima kojima se uređuje porezna politika;

c) u roku od 15 dana, obavijesti Ministarstvo o nastupanju razloga za prestanak statusa „samostalni umjetnik“, odnosno „samostalni stručnjak u kulturi“.

Član 25.

(Istaknuti stvaralac u kulturi)

(1) Licima iz članova 19. i 20. ovog zakona, čija su djela ili stvaralaštvo od izuzetnog značaja za kulturu Kantona, može se dodijeliti status „istaknuti stvaralac u kulturi“.

(2) Status iz stava (1) ovog člana dodjeljuje Vlada Kantona, na prijedlog Ministarstva.

(3) Lice kome se dodijeli status iz stava (1) ovog člana ima pravo na doživotnu godišnju nagradu u visini od jedne do tri prosječne neto plaće isplaćene u Federaciji BiH, prema posljednjem podatku Federalnog zavoda za statistiku, objavljenom do momenta dodjele statusa, koja je lično pravo i ne može se prenositi na druga lica, niti se može nasljeđivati.

(4) Ministarstvo vodi evidenciju o licima koja je predložilo za dodjelu statusa iz stava (2) ovog člana.

(5) Kriterije, način i postupak dodjele statusa iz stava (1) ovog člana kao i uslove i kriterije za utvrđivanje visine i načina isplate nagrade iz stava (3) ovog člana propisuje Vlada Kantona, na usaglašen prijedlog Ministarstva i Savjeta za kulturu.

POGLAVLJE V. REGISTAR I EVIDENCIJA PRAVNIH I FIZIČKIH LICA U OBLASTI KULTURE

Član 26.

(Registar i evidencija pravnih i fizičkih lica u oblasti kulture)

Ministarstvo u cilju planiranja i sprovođenja kulturne politike, kao i praćenja, analiziranja i unaprjeđenja pojedinih oblasti kulturne djelatnosti i prikupljanja i obrade informacija o nosiocima djelatnosti u kulturi vodi registre i evidencije o pravnim i fizičkim licima koji obavljaju djelatnost kulture na području Kantona.

Član 27.

(Registar pravnih lica u oblasti kulture)

(1) Ministarstvo vodi Registar pravnih lica u oblasti kulture u koji se, pored upisa u sudski registar, upisuje pravno lice u oblasti kulture koje ispunjava uslove za obavljanje registrovane djelatnosti u skladu sa članom 16. ovog zakona.

(2) Pravno lice u oblasti kulture je dužno u roku od 30 dana od dana prijema rješenja iz člana 17. ovog zakona podnijeti Ministarstvu prijavu za upis u Registar pravnih lica u oblasti kulture.

(3) Upis u Registar pravnih lica u oblasti kulture vrši se na osnovu rješenja Ministarstva.

(4) Pravno lice u oblasti kulture stiče pravo da obavlja djelatnost kulture u skladu sa ovim zakonom i drugim propisima nakon upisa u Registar pravnih lica u oblasti kulture.

(5) Pravno lice u oblasti kulture briše se iz Registra pravnih lica u oblasti kulture kada prestane ispunjavati uslove za obavljanje registrovane djelatnosti u skladu sa članom 16. ovog zakona.

(6) Bliži propis o sadržaju, obliku i načinu vođenja Registra pravnih lica u oblasti kulture, te postupku upisa i brisanja iz Registra pravnih lica u oblasti kulture donosi Ministarstvo.

Član 28.

(Evidencija udruženja građana i fondacija kao nosilaca djelatnosti u kulturi)

(1) Ministarstvo vodi Evidenciju udruženja građana i fondacija kao nosilaca djelatnosti u kulturi na Kantonu u svrhu prikupljanja i obrade informacija o udruženjima građana i fondacijama koja obavljaju djelatnost kulture kroz kulturno-umjetnički amaterizam, a radi sagledavanja potreba i unaprjeđenja oblika podrške u oblasti kulturno-umjetničkog amaterizma.

(2) Evidencija iz stava (1) ovog člana vodi se u elektronskom obliku i sadrži:

- podatke o osnivaču udruženja građana/fondacije i datum osnivanja;
- broj i datum rješenja o upisu udruženja građana/fondacije u odgovarajući registar;
- naziv, sjedište i ID broj udruženja građana/fondacije;
- registrovanu djelatnosti udruženja građana/fondacije koja spada u djelatnosti iz člana 11. stav (1) ovog zakona.

Član 29.

(Registar fizičkih lica u oblasti kulture)

(1) Ministarstvo vodi Registar fizičkih lica u oblasti kulture u koji se upisuju lica koja su stekla status samostalnog umjetnika i samostalnog stručnjaka u kulturi.

(2) Upis u Registar fizičkih lica u oblasti kulture vrši se po službenoj dužnosti na osnovu rješenja Ministarstva iz člana 22. stav (2) ovog zakona.

(3) Lice koje je steklo status samostalnog umjetnika i samostalnog stručnjaka u kulturi stiče pravo da u poslovanju sa trećim licima uz svoje ime i prezime koristi oznaku statusa „samostalni umjetnik“, odnosno „samostalni stručnjak u kulturi“ nakon upisa u Registar fizičkih lica u oblasti kulture.

(4) Lice iz stava (1) ovog člana briše se iz Registra fizičkih lica u oblasti kulture kada mu prestane status u skladu sa članom 23. ovog zakona.

(5) Bliži propis o sadržaju, obliku i načinu vođenja Registra fizičkih lica u oblasti kulture, te postupku upisa i brisanja iz Registra fizičkih lica u oblasti kulture donosi Ministarstvo.

Član 30.

(Evidencija fizičkih lica u oblasti kulture)

(1) Ministarstvo vodi Evidenciju umjetnika i stručnjaka u kulturi kao nosilaca djelatnosti u kulturi u svrhu prikupljanja i obrade informacija o fizičkim licima koja obavljaju djelatnost kulture na Kantonu kroz kulturno-umjetnički amaterizam bez stečenog statusa samostalnog umjetnika i samostalnog stručnjaka u kulturi.

(2) Evidencija iz stava (1) ovog člana vodi se u elektronskom obliku i sadrži:

- ime i prezime, JMB i adresu prebivališta umjetnika/stručnjaka u kulturi;
- vrstu i stepen stručne spreme kada je u pitanju stručnjak u kulturi;
- djelatnost kulture iz člana 11. stavovi (1) i (2) ovog zakona koju obavlja umjetnik/stručnjak u kulturi.

POGLAVLJE VI. FINANSIRANJE I PODSTICAJ RAZVOJA KULTURE

Član 31.

(Finansiranje djelatnosti kulture)

Sredstva za finansiranje djelatnosti kulture osiguravaju se:

- a) u budžetu Kantona, odnosno u budžetu grada/općine,
- b) od osnivača,
- c) od međunarodnih fondova,
- d) putem donacija i sponzorstva,
- e) od poklona,
- f) iz vlastitih prihoda nosilaca djelatnosti u kulturi,
- g) od članarina i
- h) iz drugih izvora u skladu sa zakonom.

Član 32.

(Sredstva iz budžeta Kantona i budžeta grada/općine)

(1) Javni interes Kantona, odnosno grada/općine u oblasti kulture ostvaruje se finansiranjem/sufinansiranjem djelatnosti kulture iz sredstava budžeta Kantona, odnosno budžeta grada/općine.

(2) Za ostvarivanje javnog interesa u oblasti kulture sredstva iz budžeta Kantona, odnosno budžeta grada/općine osiguravaju se za:

- a) rad i funkcionisanje javnih ustanova kulture čiji je osnivač/suosnivač Skupština Kantona odnosno gradsko/općinsko vijeće;
- b) finansiranje/sufinansiranje investicionog ulaganja u javne ustanove kulture čiji je osnivač/suosnivač Skupština Kantona odnosno gradsko/općinsko vijeće;
- c) programske aktivnosti javnih ustanova kulture čiji je osnivač/suosnivač Skupština Kantona odnosno gradsko/općinsko vijeće;
- d) plaće i druga lična primanja zaposlenih u javnim ustanovama kulture kojima je osnivač/suosnivač Skupština Kantona odnosno gradsko/općinsko vijeće;
- e) finansiranje/sufinansiranje projekata od značaja za sprovođenje ciljeva i zadataka definisanih Strategijom razvoja kulture Tuzlanskog kantona, odnosno strategijom razvoja kulture grada/općine;
- f) finansiranje/sufinansiranje ostalih programa i projekata u oblasti kulture od interesa za Kanton, odnosno grad/općinu.

Član 33.

(Finansiranje/sufinansiranje projekata u oblasti kulture iz javnih sredstava)

(1) Finansiranjem/sufinansiranjem programa i projekata u oblasti kulture od interesa za Kanton, odnosno grad/općinu

iz javnih sredstava ostvaruje se javni interes u oblasti kulture i podstiče razvoj djelatnosti kulture.

(2) Finansiranje/sufinansiranje programa i projekata u oblasti kulture od interesa za Kanton vrši se iz budžeta Kantona u skladu sa uslovima i kriterijima koje donosi Vlada Kantona, na prijedlog Ministarstva.

(3) Finansiranje/sufinansiranje programa i projekata u oblasti kulture od interesa za grad/općinu vrši se iz budžeta grada/općine u skladu sa uslovima i kriterijima koje donosi grad/općina.

Član 34.

(Posebni oblici podsticaja razvoju kulture)

(1) Posebni oblici podsticaja razvoju kulture osiguravaju se otkupom knjiga, likovnih djela i muzejskih predmeta za potrebe javnih ustanova kulture u skladu sa raspoloživim sredstvima budžeta Kantona, odnosno budžeta grada/općine.

(2) Postupak i uslovi otkupa knjiga, likovnih djela i muzejskih predmeta utvrđuju se posebnom odlukom Vlade Kantona, odnosno grada/općine.

POGLAVLJE VII. NADZOR

Član 35.

(Nadzor nad primjenom zakona)

(1) Nadzor nad primjenom ovog zakona vrši Ministarstvo.

(2) Inspeksijski nadzor nad primjenom ovog zakona i propisa donesenih na osnovu ovog zakona vrši nadležna kantonalna inspekcija u skladu sa zakonom.

POGLAVLJE VIII. KAZNE NE ODREDBE

Član 36.

(Novčane kazne za pravna lica u oblasti kulture)

(1) Novčanom kaznom od 1.000 do 5.000 KM kaznit će se za prekršaj pravno lice u oblasti kulture, ako:

- a) počne s obavljanjem registrovane djelatnosti kulture prije pribavljanja rješenja o odobrenju za obavljanje djelatnosti kulture (član 17. stav (1));
- b) Ministarstvu ne podnese u roku prijavu za upis u Registar pravnih lica u oblasti kulture (član 27. stav (2));
- c) počne sa obavljanjem djelatnosti kulture prije upisa u Registar pravnih lica u oblasti kulture (član 27. stav (4));
- d) ne postupi u skladu sa članom 38.

(2) Za prekršaj iz stava (1) ovog člana kaznit će se odgovorno lice u pravnom licu u oblasti kulture novčanom kaznom od 500 do 2.000 KM.

Član 37.

(Novčane kazne za fizička lica u oblasti kulture)

Novčanom kaznom od 500 do 1.500 KM kaznit će se za prekršaj fizičko lice u oblasti kulture, ako:

- a) u poslovanju sa trećim licima uz svoje ime i prezime ne koristi oznaku „samostalni umjetnik“, odnosno „samostalni stručnjak u kulturi“ (član 24. tačka a));

b) u propisanom roku ne obavijesti Ministarstvo o nastupanju razlogu za prestanak statusa „samostalni umjetnik“, odnosno „samostalni stručnjak u kulturi“ (član 24. tačka c));

c) koristi oznaku „samostalni umjetnik“, odnosno „samostalni stručnjak u kulturi“ prije upisa u Registar fizičkih lica u oblasti kulture (član 29. stav (3)).

POGLAVLJE IX. PRIJELAZNE I ZAVRŠNE ODREDBE

Član 38.

(Obaveze pravnih lica kao nosilaca djelatnosti kulture)

Pravna lica kao nosioci djelatnosti u oblasti kulture koji su na dan stupanja na snagu ovog zakona registrovani za obavljanje djelatnosti kulture dužni su uskladiti svoju organizaciju, način rada i opće akte sa odredbama ovog zakona i podnijeti prijavu Ministarstvu za upis u Registar pravnih lica u oblasti kulture iz člana 27. ovog zakona, odnosno dostaviti podatke Ministarstvu za Evidenciju udruženja građana i fonacija iz člana 28. ovog zakona u roku od godinu dana od dana stupanja na snagu ovog zakona.

Član 39.

(Obaveze fizičkih lica kao nosilaca djelatnosti kulture)

(1) Fizička lica kao nosioci djelatnosti u oblasti kulture dužni su dostaviti podatke Ministarstvu za Evidenciju umjetnika i stručnjaka u kulturi iz člana 30. ovog zakona u roku od godinu dana od dana stupanja na snagu ovog zakona.

(2) Lica iz stava (1) ovog člana mogu podnijeti zahtjev Ministarstvu za sticanje statusa samostalnog umjetnika i samostalnog stručnjaka u kulturi nakon stupanja na snagu podzakonskog propisa iz člana 21. stav (2) ovog zakona.

Član 40.

(Obaveza donošenja podzakonskih propisa)

(1) Vlada Kantona će donijeti podzakonski propis iz člana 25. stav (5) u roku od devet mjeseci od dana stupanja na snagu ovog zakona.

(2) Uslove i kriterije iz člana 33. stav (2) ovog zakona Vlada Kantona donosi za svaku budžetsku godinu.

(3) Ministarstvo će donijeti podzakonske propise iz člana 16. stav (4), člana 21. stav (2), člana 27. stav (6) i člana 29. stav (5) ovog zakona u roku od šest mjeseci od dana stupanja na snagu ovog zakona.

Član 41.

(Prestanak važenja ranijih propisa)

Stupanjem na snagu ovog zakona prestaje da važi Zakon o kulturi („Službene novine Tuzlansko-podrinjskog kantona“, broj: 8/98).

Član 42.

(Primjena ranijih podzakonskih propisa)

Do donošenja podzakonskih propisa iz člana 40. ovog

zakona primjenjivat će se podzakonski propisi koji su bili na snazi prije stupanja na snagu ovog zakona ukoliko nisu u suprotnosti s ovim zakonom.

Član 43.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina

- Federacija Bosne i Hercegovine -
TUZLANSKI KANTON

Skupština

Broj: 01-02-548-11/21

Tuzla, 22.12.2021. godine

Predsjednik

Skupštine Tuzlanskog kantona

Sladan Ilić, v.r.

1133

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 22.12.2021. godine, donosi

ZAKON

O IZMJENAMA I DOPUNAMA ZAKONA O POLICIJSKIM SLUŽBENICIMA TUZLANSKOG KANTONA

Član 1.

U Zakonu o policijskim službenicima Tuzlanskog kantona („Službene novine Tuzlanskog kantona“, br. 6/06, 11/07, 16/11, 14/16 i 14/18) u članu 24. u stavu (3) riječi „Ministarstvo unutrašnjih poslova Tuzlanskog kantona (u daljem tekstu: Ministarstvo)“ zamjenjuju se riječima „policijski organ“.

Član 2.

U članu 41. u stavovima (1), (3) i (4) riječ „Ministarstvo“ zamjenjuje se riječima „policijski organ“.

Član 3.

U članu 47. u stavu (1) riječi „Upravu policije“ zamjenjuju se riječima „policijski organ“.

Član 4.

U članu 48. u stavu (1) alineji 2. iza riječi „Ministarstva“ dodaju se riječi „unutrašnjih poslova Tuzlanskog kantona (u daljem tekstu: Ministarstvo)“.

Član 5.

U članu 54. u stavu (1) riječi „53. stav 3.“ zamjenjuju se riječima „53b.“

Član 6.

U članu 63. u stavu (3) tački a) riječi „ili viša“ brišu se.